


Republika e Kosovës Republika Kosova - Republic of Kosovo

AGJENCIA KUNDËR KORRUPSIONIT
AGENCIJA PROTIV KORUPCIJE
ANTI - CORRUPTION AGENCY

Në mbështetje të nenit 11 (paragrafi 1.1), nenit 5 (paragrafi 1 pika 1.5), nenit 18 (paragrafi 10 dhe 11) të Ligjit nr. 03/L-159 për Agjencinë kundër Korrupsionit si dhe nenit 19 (paragrafi 11) të Rregullores nr. 01/2014 së Punës të Agjencisë kundër Korrupsionit, Drejtori i Agjencisë kundër Korrupsionit me datë 07.04.2015, mori:

V E N D I M

I. Mbyllet rasti me nr. AKK-03-02-333/15, për zyrtarin z. Mirsad Shkreta, anëtar i Kuvendit komunal të Komunës së Hanit të Elezit, për shkak se zyrtari i lartë publik ka shmangur gjendjen e mundshme të konfliktit të interesit në të cilën ndodhej, pasi që ka dhen dorëheqje nga pozita e drejtor i QKMF-së "Menduh Kaloshi" në Komunën e Hanit të Elezit, si dhe ka hequr dore nga personi i autorizuar në biznesin e tij privat.

II. Rasti mund të rihapet në çdo kohë kur mund të paraqiten rrethana të reja.

A r s y e t i m

I. Në rastin e shqyrtuar për konflikt të interesit me numër protokolli AKK-03-02-333/15, që për trajtim ka pasur zyrtarin z. Mirsad Shkreta, anëtar i Kuvendit komunal të Komunës së Hani i Elezit.

Gjatë zhvillimit të procedurës së pari është analizuar informata e deponuar në AKK-së, si dhe është vlerësuar gjendja funksionit publik për zyrtarin z. Mirsad Shkreta, dhe është konstatuar se z. Mirsad Shkreta, anëtar i Kuvendit komunal të Komunës së Hani i Elezit, gjatë kohës së ushtrimit të funksionit publik si zyrtar i lartë, anëtar i Kuvendit komunal të Komunës së Hanit të Elezit është i angazhuar si drejtor i QKMF-së "Menduh Kaloshi" në këtë Komunë si dhe ushtron veprimtari private si pronar dhe person i autorizuar në një biznes privat e që sipas nenit 65.2 të ligjit Nr. 03/L-040 Për Vetëqeverisjen Lokale, si dhe në bazë të nenit 15.1 dhe 16.1 Ligjit për Parandalimin e Konfliktit të Interesit në Ushtrimin e Funksionit Publik Nr.04/L- 051, kjo situatë paraqet papajtueshmëri dhe kufizim në ushtrimin e funksionit publik dhe konflikt të mundshëm

të interesit, andaj Agjencia kundër Korrupsionit me datën 19.02.2015 e ka njoftuar zyrtarin e lartë me shkresën e parë se ka filluar procedura e shqyrtimit të gjendjes së mundshme të Konfliktit të Interesit dhe se ka të drejtë në afatin prej 15 ditësh të njoftohet me faktet që posedon Agjencia.

Pas kësaj shkrese me datën 17.03.2015 z. Mirsad Shkreta, ka ardhur në takim ku është takuar me zyrtarët e AKK-së, dhe i janë prezantuar faktet që disponon Agjencia lidhur me dyshimin e bazuar për konflikt të mundshëm të interesit dhe mos pajtueshmëri në ushtrimin e funksionit publik.

Z. Shkreta, gjatë takimit të organizuar është pajtuar me gjendjen dhe faktet e prezantuara, por është arsyetuar se nuk ka qenë në njohuri se kjo situatë do të sjell konflikt të interesit dhe që është në pajtueshmëri me funksionin e këshilltarit komunal, mirëpo është zotuar se brenda afatit ligjorë do ta bëjë ndryshimin e kërkuar nga AKK-ë, dhe do të marrë vendim se në cilin funksion do të vazhdojë të zhvillojë aktivitetet.

Me datën 30.03.2015, kemi marrë njoftimin zyrtar nga z. Mirsad Shkreta, ku thuhet se pas konsultimeve me Agjencinë kundër Korrupsionit dhe me Ministrin e Administrimit të Pushtetit lokal dhe pas kërkesës nga ana e tyre që të shmanget nga situata e Konfliktit të Interesit ka dhënë dorëheqje nga pozita e drejtorit të QKMF-së "Menduh Kaloshi" në Komunën e Hanit të Elezit, si dhe ka bërë ndryshimet e kërkuar në Biznesin me emër O.S "Dens-m" me numër biznesi 70434201.

Vlerësojmë se pas veprimit të dorëheqjes nga pozita e drejtorit të QKMF-së "Menduh Kaloshi" në Komunën e Hanit të Elezit, si dhe pas largimit nga personi i autorizuar në biznesin e tij privat me emër O.S "Dens-m" me numër biznesi 70434201, dhe pas rrethanave të reja të krijuara pas veprimeve të marruara konsiderojmë se është shmangur gjendjen e mundshme të konfliktit të interesit për zyrtarin z. Mirsad Shkreta, anëtar i Kuvendit komunal të Komunës së Hani të Elezit, andaj u vendos si në dispozitiv të këtij vendimi.

II. Në mbështetje të nenit 18 (paragrafi 11) të Ligjit nr. 03/L-159 për Agjencinë kundër Korrupsionit, Agjencia mund të rihap rastin në çdo kohë nëse paraqiten rrethana të reja,

Vendimi iu dërgohet:

- Zyrtarit të lartë publik
- Drejtorit të DPK- së
- Z./znj. (zyrtari përgjegjës)
- Z./znj. (zyrtari kontaktues)

Hasan Preteni
Drejtor i Agjencisë kundër Korrupsionit

